

Pensionado ta yena su dia cu pintamento



ORANJESTAD - Bou di e ert van Rooijen (62) a habri su exposicion diabierna pasa na Biblioteca Nacional na



Oranjestad. Van Rooijen ta gusta pinta y no ta prome bi-aha el a tene un exposicion. Desde aña pasa e tin un luga tambe na Renaissance Marketplace (banda di Tropical Café) unda e por keda tanten cu e doño no tin un persona di huur e espacio. Van Rooijen tabata optico pero ta cu pension awor aunke su dianan ta yen yen di pintamento. Un averahe di 40 pintura el a traha e ultimo 2 pa 3 aña, e ta conta. Su lombrishi ta dera na San Nicolas pero ora di wak e topico di su pinturanan, nan ta sitio y marca di full rond di Aruba. No ta un milager pa mira cu turistanan tambe

ta gusta su trabou di naturalesa tipico, cas crioyo, bahada di solo y marcanan historico/turistico. Tambe por mira pinturanan di Corsou unda Van Rooijen a biba hopi aña.

E exposicion lo ta habri te cu 24 di april na biblioteca y tin un catalog cu tur e prijsnan tambe. “Mi ta keda pinta te Dios ta yama mi”, Van Rooijen ta conclui. □

